

ՎԱՐԴԱՆ ՀԱՅՐԱՊԵՏՅԱՆԻ ՆԵՐԴՐՈՒՄԸ ԲԱՆԱՍԻՐՈՒԹՅԱՆ ՄԵՋ*

Ապրիլի 19-ին ՀՀ ԳԱԱ հնագիտության և ազգագրության ինստիտուտում (ՀԱԻ) կայացավ բանասեր-ուսագետ և հերմենետ, «Պատմաբանասիրական հանդես»-ի նախկին աշխատակից, խմբագիր



Վարդան Հայրապետյանի (1948–2019) 75-ամյակին նվիրված ՀԱԻ «Հայկական հումանիտար պարբերագրի» («Армянский гуманитарный вестник») 11-րդ համարի՝ «Վարդան Հայրապետյան Anno 75» երկհատորյակի լույս ընծայման շնորհանդեսը: Հրատարակությունը ներկայացնում է Վ. Հայրապետյանի գիտական ծավալուն ժառանգությունը, որն իրականացվել է ՀՀ ԳԱԱ թղթակից անդամ, ՀԱԻ-ի մշակութային մարդաբանության բաժնի վարիչ Լևոն Աբրահամյանի, բանասեր Արմեն Գրիգորյանի (Մոսկվա) և պարբերագրի գլխավոր խմբագիր, ՀԱԻ-

ի բանահյուսության տեսության և պատմության բաժնի գիտաշխատող Արեգ Բայանդուրի ջանքերով:

Վ. Հայրապետյանը ծնվել է Երևանում, որտեղ ապրել է երկար տարիներ, սակայն իր գործունեության բերումով առավել հայտնի է Հայաստանից դուրս: 1972 թ. ավարտել է Երևանի պետական համալսարանի բանասիրական ֆակուլտետի ուսական բաժինը, որտեղ 1972–1974 թթ. աշխատել է Գրական հայագիտական լաբորատորիայում, իսկ 1974–1986 թթ.՝ «Պատմաբանասիրական հանդեսում»՝ որպես ուսանողների խմբագիր: 1994–2000 թթ. ապրել է Դանիայում: 2000 թ. վերջից 2001 թ. կեսն աշխատել է Ռուսական պետական հումանիտար համալսարանին կից Բարձրագույն հումանիտար ուսումնասիրությունների ինստիտուտում (Մոսկվա): Վերադառնալով հայրենիք՝ 2006–2008 թթ. դասավանդել է ԵՊՀ-ում ուս. հերմենետիկա առարկան:

Շնորհանդեսին ներկա էին պարբերագրի խմբագրական խորհրդի անդամները՝ Զարուհի Հակոբյանը, Մանես Էռնա Շիրինյանը, Գայանե Շապոյանը, Վ. Հայրապետյանի մտերիմները, աշխատանքային ընկերները և այլ հյուրեր: Առցանց մասնակցում էին Սոֆյա Վինոգրադովան (Մոսկվա), Անահիտ Տոնապետյան-Դեմոպուլոսը (Փարիզ), Պյոտր Բոչարովը (Վյուրցբուրգ), Լենա Սիլարդը (Իտալիա, Մարդինիա, Սասարի համալսարան): Վերջինիս հետ Վ. Հայրապետյանը 2002 թ. արժանացել է Անդրեյ Բելիի մրցանակին:

* Ներկայացվել է 13. VI. 2024 թ., ընդունվել է տպագրության 10. VII. 2024 թ.:

ՀԱԽ-ի փոխտնօրեն, բ. գ. թ. Տորք Դալալյանն իր խոսքում ընդգծեց Վ. Հայրապետյանի ավանդը «Հայկական հումանիտար պարբերագրի» հիմնադրման ու կայացման գործում (2006 թ.): Այն հիմնադրվել է Լ. Աբրահամյանի, Վ. Հայրապետյանի (նուսերեն բաժնի խմբագիր), ՌԴ ԳԱ թղթակից անդամ Վլադիմիր Պրոնգյանի, ՀՀ ԳԱԱ թղթակից անդամ Սարգիս Հարությունյանի, պ. գ. դ. Պարույր Մուրադյանի, պ. գ. դ. Կարեն Յուզբաշյանի, պ. գ. դ. Մ. Է. Շիրինյանի և այլոց նախաձեռնությամբ:



Վ. Հայրապետյանի գործունեության մասին նաև խոսեցին Ա. Գրիգորյանը, բյուզանդագետ Մ. Է. Շիրինյանը, պ. գ. դ., բ. գ. դ. Արծրունի Սահակյանը, բ. գ. թ. Լիլիթ Մելիքսեթյանը, ազգագրագետ Արա Գուլյանը: Ա. Գրիգորյանը, ներկայացնելով պարբերագրի հրատարակությունը, հակիրճ խոսեց իրականացված նախագծի պատմության շուրջ, դրա գաղափարի և նախաձեռնողների մասին կարևորելով Ա. Բայանդուրի և Լ. Աբրահամյանի դերը, հայտնելով իր երախտագիտությունը ուսուցիչների նկատմամբ: ՌԴ ԳԱ ակադեմիկոս Վլադիմիր Նիկոլաևիչ Տոպարովին, փիլ. գ. դ. Վլադիսլավ Ալեքսանդրովիչ Բոչարովին, բ. գ. թ., փիլիսոփա Վլադիմիր Վենիամինովիչ Բիրբիսինին ու նրանց մերձավորներին տրամադրած նյութերի և օժանդակության համար: Առաջին հատորում ընդգրկվել է նաև երկու հրապարակում՝ իբրև հավելում Վ. Հայրապետյանի գրքին. մեկը արտատպված է «Բանբեր Երևանի համալսարանի» պարբերականից, մյուսը՝ «Լրաբեր հասարակական գիտությունների» ամսագրից: Այդ նյութերի առաջին հրապարակումն իրականացվել է Վ. Հայրապետյանի համակուրսեցիներ Պավել Բալայանի և Գայանե Հարությունյանի նախաձեռնությամբ:

Այնուհետև ելույթ ունեցան պ. գ. դ., ազգագրագետ Էլզա-Բայր Գուչինովան, արվ. դ., երաժշտագետ Լևոն Հակոբյանը: Լ. Աբրահամյանն իր խոսքում նշեց, որ Վ. Հայրապետյանն Անդրեյ Բելիի մրցանակը ստացել է ուսուցչի մենեջերի մեջ ներդրած մեծ ավանդի համար: Ըստ հանձնաժողովի՝ մրցանակը շնորհվել է «ուսուցչի լեզվում անգիտակցականի պարզաբանման գործում ակնառու առաջընթացի համար, ինչպես նաև «մյուսին» և նրա «ասածը» հասկանալու համար, նույնիսկ եթե նրա ասածն արտահայտություն չի ստացել»: Հավելեց, որ Վ. Տոպարովը Վ. Հայրապետյանի աշխատանքն որակավորել է որպես «տեկտոնական տեղաշարժ» և բեկումն ուսուցչականության մեջ:

Ելույթ ունեցողներն ընդգծեցին, որ Վ. Հայրապետյանը մտավորական էր ու խստապահանջ գիտնական: «Հայկական հումանիտար պարբերագրի» ներկայացվող հատորի առաջին մասն ընդգրկում է Վ. Հայրապետյանի տեքստերի ընտրանին՝ հատվածներ նրա «Толкуя слово» գրքից և ավելի ուշ գրած հավելումները: Առանձին բաժնում ներառված են Վ. Տոպարովի, Ս. Բոչարովի և Վ. Բիրբիսինի ակնարկներն իրենց գործընկերոջ և նրա գիտական աշխատանքների մասին: Հատորի մեջ նաև զետեղվել են Հայրապետյանի երեք համահեղինակների՝ Լ. Աբրահամյանի, փիլ. գ. դոկտոր, մաթեմատիկոս Հ. Առաքելյանի և

ազգագրագետ Ա. Գուլյանի՝ «Разговор о круглых и абсолютных числах» աշխատության հատվածները:

Հատորի առաջին մասը եզրափակում են Վ. Հայրապետյանի մասին՝ Լ. Մեյքսեթյանի ու Վ. Հայրապետյանի ուսանողների՝ Կ. Վանեսկեդյանի, Ա. Հովհաննիսյանի, Ս. Այվադյանի հուշերը:

Հատորի երկրորդ մասը ներառում է Վ. Հայրապետյանի և Վ. Տոպորովի, Ս. Բոչարովի, Վ. Բիբիխինի նամակագրությունները, ինչպես նաև՝ կենսամատենագիտական նյութեր և գիտնականի հետ վերջին գրույցներից մեկի՝ «Событие говорения» ճայնագրության տեքստային սղագրությունը: Իսկ պարբերագրում առկա նյութերի մեծ մասը հրապարակվում է առաջին անգամ:

Երախտագիտությամբ նշենք Աննա Վլադիմիրովնայի՝ Վ. Տոպորովի դստեր հրատարակության նախապատրաստման ընթացքում, Ս. Բոչարովի մտերիմների՝ Իրինա Զախարովնա Սուբատի, Նրա դստեր՝ Մարիա Սերգեևնա Կասյանի, Վ. Բիբիխինի կողմից Օլգա Եվգենևնա Լեբեդևայի, Ռուսական պետական գրականության և արվեստի արխիվի աշխատակիցների օգնությունը, որոնք սիրով աջակցեցին և ընդառնեցին բոլոր հարցերում:

Օ. Լեբեդևան ոչ միայն ներկայացրեց Վ. Բիբիխինի հետ Վարդան Հայրապետյանի նամակագրությունը, այլև «Письмо на тему зеркала» իր թվայնացրած եռակողմ նամակագրության ամբողջական տեքստը: Բացի այդ, նա մասնակցել է այդ նյութերի մեկնաբանություններին և խմբագրմանը:

Պարբերագրի առաջին հատորում հրատարակվել են Ա. Գրիգորյանի «Երրորդ մարդը» և «... Գրում եմ և մտածում եմ Ձեզ հետ մշտական խոսակցություն մասին» երկու հրապարակումները:

Շնորհանդեսը եզրափակեց Ա. Բայանդուրը: Նա պատմեց իր և Վ. Հայրապետյանի երկարամյա շփումների մասին, որին համարում է իր ուսուցիչը: Հավելեց, որ եթե Վարդան Հայրապետյանը մեզ հետ լիներ, «Հայկական հումանիտար պարբերագրերն» անհամեմատ ավելի ամբողջական ու լիարժեք կլինեին:

Արեգ Բայանդուր – ՀՀ ԳԱԱ հնագիտության և ազգագրության ինստիտուտի գիտակազմակերպչական բաժնի գիտաշխատող, «Հայկական հումանիտար պարբերագրի» գլխավոր խմբագիր: Գիտական հետաքրքրությունները՝ իրանական առասպելաբանություն և միջին պարսկերեն լեզու: Հեղինակ է 25 հոդվածի: aregbayandur@mail.ru

Աստղիկ Իսրայելյան – պ. գ. թ., Հայաստանի պատմության թանգարանի ավագ գիտաշխատող: Գիտական հետաքրքրությունները՝ հայերի ժողովրդական հավատալիքներ, հայկական ժողովրդական կերպերական արվեստ: Հեղինակ է 3 մենագրության, 1 ժողովածուի և 71 հոդվածի: ORCID:0009-0001-2905-7380. Astghikisraelian@gmail.com